


Corona di Dande pa Robert Maduro y Edselyn Figaroa



Te 7 or mainta publico a sali di Club Caiquetio diadomingo, despues di presencia e festival di dande di e aña aki cu tabata programa pa caba alrededor di 3 or, segun e cambionan haci. E cambionan no a resulta sinembargo, y e sistema di uso di computer pa registra puntuacionnan etc. a determina unda e perdidan di tempo a ser ocasiona durante henter anochi. Mester duna un pabien na Sr. Kurt Thomas cu a bin prepara cu su "laptop" den cual el a registra delaster

detaye di e festival y e resultadonan registra ta un indicacion caba cu pa aña venidero y den futuro, e festival aki no tin mester di termina despues di 3 or mas si cumpli cu tur e puntonan di fayto registra. Ora cu e festival a termina e resultado completo tabata conoci caba,, pero a tuma 10 minuut extra pa haci un revision manual pa ta sigur cu tur cos ta corecto. Sinta banda di Sr. Thomas, mirando su programacion y cada seconde di e festival registra, determinando e total di minuutnan y seconde di preparacion di cada grupo, actuacion di cada cantante, subida y bahada di escenario, cambionan tecnico etc. bo ta haya admiracion pa tur e detayenan cu e mester tene cuenta cune y na mes momento presidi e hurado. Na final algun cantante a reclama cierto cosnan na hurado, pero tabata asunto nan cu no tabata den man di hurado, y cu lo tabata palabracionnan durante reunionnan organisatorio di



cual hurado no tabata na altura.

Remarcable ta cu e puntuacionan e aña aki tabata casi identico di e siete huradonan y president di hurado cu e ganadornan tabata cerca di otro pa locual tabata diferencianan di punto.

PARTICIPACION

Tipico Macuarima a habri e anochi como artistanan invita, y hunto cu nan a habri e show tambe e gruponan di baile **Timbirichi y Lollypop Dancers** cu a duna bunita comienzo na e anochi.


Di e festival e prome grupo cu a subi tabata **Tipico Alegre di Tony Werleman**. E unico agrupacion cu a presenta tambe cu nan **marimba**, locual a ser aprecia e anochi aki.

Tony nunca a cay den premiacion pero a cumpli 30 aña cu e festival coo tocador y cantante.

Di e grupo aki **Francis Jacobs** cu su dande a demostra for di principio cu e mester ta esun pa wordo gana, pa fuerte cu el a sali, pero a termina finalmente na di 3 lugar.

Lourdes Henriquez a presenta como cantante femenino di dande cu e grupo pero no a cay den e prome 3 nan.

Tipico Amistoso tabata tin



Angeline Loefstok como cantante femenino di Dande, y e tampoco a cay den premiacion.

Ola Tropical a presenta pisa durante e festival cu nan wals/tumba instrumental cu tabata hopi bon y sigur cu un lugar prepara pa premiacion. Nan a termina na di 2 lugar cu e wals aki den festival Tipico.

Nan cantante femenino di dande. **Jessica Ras** tambe



tabata hopi bon y e otronan mester tabata mas fuerte pa por gañe. Esun cu a percursa pa gañe tabata **Edselyn Figaroa** cu a bay cu e corona di **Reina di Dande 2003**. Jessica a termina na di 2 lugar.

Mario Croes tambe tabata fuerte cu **Tipico Arubano** den e dande, pero no pa por a gana **Francis Jacobs**, pero si pa por ta finalista. El a termina finalmente na di 9 lugar.





Tommy Croes a presenta un bunita composicion propio di Gos Oduber, "Nos tranquilidad pa nos biba feliz", un cancion cu no por a keda sin premiacion y terminando na di 7 lugar.

Den cancion tipico e cancion di Tommy Croes, dedica na Aiky Croes cu a ser homenagea e anochi aki, no por a keda for di premiacion tampoco. Tabata un bunita cancion, bon areglo, "Aiky Croes, nos tamburero" cu a termina na di 6 lugar den Tipico.

Despues di esaki a sigui mes ora tambe e homenage na Aiky Croes.

Grupo Pegasaya no a logra premiacion, pero mester menciona cu e dande di Wiwi Maduro tabata bon cera y bunita tabata con e tambor, y dos wiri a wanta e harmonia principalmente cu e dande di Marlon Maduro.



Nan a acompaña tambe Roberto Orman, cu tabata un fraccion di tono mucho halto y mester a forza pa yega. Roberto, un cantante cu sigur 47 aña (pa mi no bay na menciona 50) di ta presenta riba escenario como cantante den diferente concurso individual, pa diferente grupo y conunto musical, y cu no ta falta como interesado den nos cultura, na ningun actividad cultural, folklorico o artistico. Su apoyo semper tey riba tur e terenonan aki locual ta masha admirable. Pa e interese aki e ta unico na Aruba y semper ta presente. Tipico perla no a logra cu dande di Rodwin Kock, pero e tumba "Un tata ehemplar" di Frank Kock, canta pa su yiu Rodwin Kock, si a termina den premiacion na di 10 lugar den propio composicion. Di e



tumba aki tabata admirable pa scucha 3 violin tocando e tumba y cu areglo precioso. Pero e cancion cu a pega mas di e grupo tabata e wals instrumental cu a bin termina tambe na di 8 lugar den Tipico.

Un grupo cu mi a admira e anochi aki tabata Nos Folklor. Den dande nan no a logra cay den clasificacion ya cu nan cantantenan tabata debil pero nan tumba instrumental "Den sala di machi", tabata acohedor aunke e no a cay den premiacion.

Wiwi Piña a pone su mandolin zona manera un "benta" y tabata un placer pa scucha.

Di Tipico los Amigos, e dandenan no a cay den premiacion, pero nan a termina si cu 3 trofeo e anochi aki. Den tipico, nan tumba instrumental a cay na agrado

di e publico. Aki tabata un placer pa scucha e tambor

di Zogo, combina cu 1 raspa y 2wiri. Nan a logra di 7 lugar cu e cancion aki. Den propio composicion Rafael Flanders a pega su "Delia" hopi bon y logra di 8 lugar mientras cu Edwin Hernandez a bende su "Saco di Wee Wee" hopi caro. E danza aki a termina na di 7 lugar den composicion propio.

Tipico Poco Loco no a logra premio den dande, pero den Tipico, e wals "Palo di Wayaca" di Eldrick Panneflek tabata fuerte y a bin termina tambe na di 5 lugar. Tabata un placer pa mira Facundo Panneflek un

biaha mas riba escenario como cantante despues di mas di 10 aña cantando Dande.

Mi a goze tocando su "tre" pa Benny Panneflek cu a sobresali cu su propio composicion "Esta un Tribi" cu a termina na di 4 lugar. E cancion aki tabata tin bon areglo, y bon coro y a merece un bon puesto.

Otro aña sigur mi lo yega cas pa 3 or di madrugada si Dios kier, pasobra mescos cu aña pasa, mi a yega 7.30 or mainta y prepara pa bay traha mes ora.

Juby Naar.

Consales

Cash & Carry

Gutenbergstraat 2

CORECCION

CASH & CARRY LO TA HABRI
NORMAL JANUARY 2, 2004
Y JANUARY 3, 2004
TE CU 12:00 DI MERDIA



SUPER FOOD WEEKLY SPECIALS!



Oliebol y
appelbeignets
Fresco traha

Cuminsando di
★ Afl. 0,75

TE CU DIAHUEBS 31 DI DECEMBER

CAMPAÑA DI FIN DI AÑA
sorteo 31 Dec. 15.00 or na
SUPER FOOD

Awenochi nos tin "shopping
night" te cu 21.00 or. 31 Dec.
nos ta cera 16.00 or. Jan. 1 nos
ta cera y Jan. 2 nos ta habri for
di 10.00 or te cu 16.00 or.

SUPER FOOD ta desea
henter Aruba un bon fin di
aña y un SUPER BON 2004!

Specials ta valido tanten cu tin den stock,
cambio of drukfout por ta posibel.



★ Afl. 8,95

BRUT WHITE SPARKLING WINE



★ Cuminsando di
Afl. 14,95

NOS BOLONAN FRESCO

750 ml. / Afl. 29,95



★ Afl. 26,95

DEWAR'S WHISKY WHITE LABEL



★ Afl. 3,95

DRUIFNAN FRESCO SIN PIT

SUPER
FOOD